

浙江
省
文
化

卷
之
一

浙江省立圖書館印行

民國二十四年一月

晚近浙江省文獻述概

陳訓慈



晚近浙江省文獻述概

陳訓慈



- 一、郡邑叢書之輯刊
二、地方志乘之纂修
三、省賢譜傳之撰述
四、鄆天一閣之修葺

昔明人楊師孔序兩浙名賢錄，以爲浙東西爲「天地具區，山川蒼蔚，江海磅礴，鍾爲人文，世代濟美，肩背相望」其表裏前代者無具論，卽我朝明之最巨者，首開國則青田居預其謀，定內難則忠肅後表其節，噉巨逆則文成仁守偉其勳。仁楊氏之論，蓋第就明代言之。若夫所謂表裏前朝者，則如東京節義，導始予陵；嚴江南北采，權輿王上虞處。休文沈康樂，紹興要聲南朝之文壇；二樁落髮諸徒與虞餘姚駱，賓王昭耀李唐之藝苑。許邇城顏海寧之忠節殉身，宣公嘉善永嘉諸子之理學，至與中原媲美；縣延迄元，金金華許許鑑鑑猶揚其波。明代浙賢，楊氏所舉之三先生者允推巨擘，而朱文憲浦江王文節王方正學方孝孺亦並以忠義著稱。降逮于清，兩浙人才雲蒸霞蔚，其以學問事功顯者，更僕難數。卽今日論者衡量當世人物，猶稱浙江冠于各省。（本條約略當代人物之地理分布）
布衣方維志三十一卷二十三號
然之故也。

全謝山序高隱學字泰雪交亭正氣錄，以明季遺詞之漸湮，感慨歎于徵文徵獻之無所。綜謝山生平之逸作，泰半在乎

徵存前代與當世之文獻，而于鄉邦之典型，尤表章不遺餘力。謝山以外，清代浙省名賢，篤梓桑敬恭之思，復多分其考撰纂輯之業于本省文獻者。觀乎浙省郡邑叢書結集之特多，可見其概。光復以來，雖世變益亟，學風益替，而嚴樸章布之士，仍不泯其抗心希古之念，或輯刊鄉賢叢書，或纂修地方志乘，或追譜先賢言行，或普治舊蹟名勝，殊涂而同歸，百慮而一致，非猶謝山拳拳徵存鄉邦文獻之指歟？惜乎事隔先後，文存鱗爪，彙紀之作罕覯，遂使後起之士有並近二十年來鄉獻整治之事，茫然而無所知者。爰不辭嫌陋，綜覈見聞，次述民國以來浙人士之所以整理表揚本省文獻之羣舉大者凡四事：曰郡邑叢書之輯刊，曰地方志乘之纂修，曰省賢譜傳之撰述，曰鄞天一閣之修葺。（題取簡顯，僅云浙江文獻，不贅整理二字云）聊便考稽，無當述學，維方聞博雅是正焉。

一、郡邑叢書之輯刊

刻書之風氣，浙省宿盛。昔隋唐間鑲版始興，浙中已有作書摹勒白樂天及元微之雜詩傳于書肆者。（註一）季唐五代，其流尤暢。觀于後唐時馮道李愚之奏，中有「嘗見吳蜀之人鬻印版文字，色類絕多」之語，（註二）可見其概。北宋之世，監本刻于杭者殆泰半。南渡以後，臨安爲行都所在，國學講誦之餘，更致力于雕版印書。（註三）胡元入主，即太學舊基建西湖書院，而院本之名，猶爲藏家所珍。而當時官書如宋遼金三史，私書若文獻通考，國朝（元）文類，並于杭州鑄木，蓋良工所萃使然。至若私家雕版，若臨安書棚，陳解元書籍鋪，復爲論版本者所詭稱。而宋時明州左禹錫（註四）之刻百川學海，論者且推爲叢書彙刊之濫觴。蓋耽好竹素，流通古籍，爲浙人所服持不衰者，其由來之舊若是。宜郡邑叢書之輯刊，亦以浙江爲特盛矣。

葉郎園論著鄉邦郡邑之書，都爲叢刊，昉自明人梓吳一書，推衍于清代嘉道同治各朝，而謂「至光緒朝此風尤盛」（註四）葉氏所舉清刻之郡邑叢書凡十六種，隸于浙者凡七種；其遺而未舉者或以後所刻者又四種；而民國以還，浙省

所刻印地方叢書大者又且十種；最近刻行或輯而特印者又三數種。持較海內他省，實罕其儔。則是謂彙刻鄉賢著述，以浙省爲最盛；固書林之紀實，非鄉人之私言也。

清代浙江郡邑叢書之輯刊，以臨海宋氏^{和年}台州叢書爲最先。（在嘉慶間凡七種）同治間則有永康胡氏^{鳳丹}之金華叢

書，（凡六十七種二七五冊）永嘉孫氏^{永會}之永嘉叢書，（四十七冊）光緒間則有嘉善孫氏^{科濟}之楊李叢書，（二十種）歸安陸

氏^{心齋}之湖州先哲遺書，仁和許氏^增之湖州叢書，（十二種）紹興徐氏^{友蘭}之紹興先正叢書，（四十八冊）黃巖王氏^葵之台州

叢書結編，（三十一冊）而錢塘丁氏^內之刻武林往哲遺著，（六十種九十六冊）更先後輯有關武林掌故記叙之書，陸續刻成

武林掌故叢編，雖識者譏其溫收山水寺志，疏于鑒別，而衡其卷帙之繁富，（二十六集二〇八冊）實足陵駕諸書；至其體

例之以地爲綱，不以郡人著述爲限，復足於前舉各書之外，別樹一幟，而並有保存地方文獻之效也。宣統歷祚僅三年，

但浙中叢書之刻于其間者，尙有永康胡氏^{分蘇}承先志輯刻續金華叢書，卷帙雖稍遜，（一二〇冊）而鏤刻更精。至如紹興

之越中文獻輯存書，（宣統二年紹興公報社印）亦猶郡邑叢書之流亞。蓋自嘉慶以迄于清亡，吾浙所刻郡邑叢書，若併

地方掌故之書而計之，都凡十一種。百餘年間，浙人士存表揚鄉賢之心，蒐訪遺澤于塵篋而登諸鈔軸者，卷帙積累，蔚

爲大觀，固他省所未能逮也。

共和建國以還，字內刻書之風，浸就衰替。然浙江版刻舊邦，積緒深厚，流風不沫，踵武猶多。而就郡邑叢書言之

，則嘉湖溫台各屬，並有新刊；自民國四年以迄今茲，成書裒然可觀。其間如吳興南潯劉氏之刻吳興叢書，網羅四部書

至六十五種二百三十六冊之多，卷帙之富，幾與清季永康胡氏之金華叢書（二七五冊，續叢書在外）埒。而按之時期，

則當以民國四年所刻爲最盛；若溫嶺金諤軒^{嗣獻}之赤城遺書，黃巖楊定夫^長之台州叢書外集，如皋冒鶴亭^{廣生}之永嘉詩人

祠堂叢刊，及紹興周作人之會稽郡故書新集等凡四種，並不謀而合，鏤版于是歲，尤爲難得之盛況矣。民國十八年以後

，本省梓行之叢書猶夥。茲卽斷自是年，以迄近在進行籌印之書，分述其略，以資關心鄉賢著述者之考察云。

(一)續橋李叢書 光緒間嘉善孫氏望雲仙館刻橋李叢書，所收皆嘉屬先賢遺集。民國十八年，平湖金衡丞^華繼前人之業，續輯二集，甫欲授梓，金氏以是秋下世。賴其從弟錢孫^兆承遺志爲之校刻，成書五種。(註五) 吳興采非夥，後無嗣響，要已足補孫氏叢書之所未逮也。

(二)敬鄉樓叢書 永嘉學術，在北宋時已與中原相望；南渡以後，大師輩出。清代雖學風稍替，而好古敏求之士，猶時起于鄉里中。同治中孫琴西^表之刻永嘉叢書，所採以集部爲獨多。平陽黃澍初^蒙蒐書頗富，于民國十七年間，出其敬鄉樓所藏溫州鄉賢遺著，諸永嘉劉冠三^榮編校付刊，成敬鄉樓叢書二集，所收書都十八種，後二年，又聘里人劉次饒^若續爲編校十種，爲叢書第三集，(註六)其所訪致刊行者，多爲孫仲容^諱溫州經志所未著錄，或注云佚與未見者，要足爲孫氏叢書之後勁矣。聞敬鄉樓藏鄉賢未刊稿逾百種，黃氏又饒于資，而迄今久無續響，豈校審不遑，抑留以待歟？

(三)四明叢書 寧波爲浙東大郡，文教舊邦，自宋以來，魁儒相望，有清一代，學風尤盛。其間學者名賢，著述成稿未刊或刊而罕傳者，何可勝數？宋左禹錫之百川學海，雖亦收甬人著述，但去今既遠，體例又不限以鄉賢。近世郡邑叢書之輯刊，在浙爲盛，而此邦猶未之前聞；殆以輓近俗尚懸遷，鄉人士鮮措意及此也？清季鄞人張讓三^美嘗佐薛庸庵^叔幕，瞻瞻鄉邦文教，晚歲曾慨然謀輯鄉賢叢書，厄于資不果。其宗人張詠寬^宗近歲退居海上，毅然以紹述表章爲己任，輒蒐訪寧波六邑先賢著作，「先取有關鄉邦利弊，足資身心學問，而坊肆無傳本，或傳而未廣者，」(註七)校定鈐版，于二十二年三月出版四明叢書第一集二十二種六十四冊。二十三年十月，又梓行第二集二十四種六十冊。(註八)初集多唐宋元郡賢遺集，第二集則採晚明鄉先烈正氣所存之遺集爲尤夥，蓋于表章忠義，深用致意。如張蒼水集錢忠介集皆較坊刻爲完善，高字泰雪交亭正氣錄及翁洲老民海東逸史亦多傳南明遺事，推而及萬氏之宋季忠義錄，亦猶本此旨。其三集三十五種，四集十二種，張氏並已定目，近正陸續校刻。第五集則已收鄞人王梓材之「宋元學案補

還」，(註九)先已刻竣。六集以後，將更謀陸續輯刊，近正廣訪散佚，以備甄米。張氏嘗爲人言，倘時力所許，最少當期刊成十集，或廣徵同志，共謀擴充云。

(四) 處州叢書

括蒼巖邑，土瀕地險，以視其他大郡，人文似或不逮。然宋元以來，先賢亦卓有述作。近世如明初劉伯溫其之開國著勳，清端木子彝國朝之文采斐然，(阮文達稱之爲青田鶴)尤可知秦非無人也。顧以習醇道固，學者不求聞道，行誼不彰，遺著多湮。端木後人梅騷氏引以爲恥，當清季與鄉人徐允中章叔言同官省垣時，即相與謀寬致鄉獻，刊爲處州叢書，並以印資求助于鄉人夏定侯，不幸以政變而輟。是後徐氏章氏相繼辭世，而端木氏杜門抱殘，矢志以待。民國二十二年春，姜次烈任督察員于麗水，聞而德惠其付梓。氏乃欣然重理殘編，釐定全目，自宋項安世之周易玩辭，迄清端木國瑚之太鶴山人集，凡四十種，其中亦收舊志（如成化處州府志）及已有刊本者，（如石林燕語）而四庫所收未刊本亦十種。(註十)刻印之資，期諸勸募，但年餘以來，未見公世。近始聞處人士公議由處屬各邑公款及旅外人士共認印資，則是書幾經艱阻，要當終底于成耳。

(五) 仙居叢書

昔嘉慶時宋氏台州叢書之刻，實開浙江刻鄉賢叢書之先聲。其後光緒間則有王氏之續編，民國初年，有金氏楊氏之繼述，葉伯丹氏更有蔭玉閣叢書之刊，喻長霖氏亦輯續台州叢書待梓。(註十一)蓋台屬人士之以刊書表揚鄉賢，既夙且勤矣。而仙居人顧猶以己刊諸書所收邑人著述僅三種，欲然以爲不足。邑人李秋福氏平素蓄意蒐訪，所積漸多，同里王卓夫項士元（原名元勳）等十餘人復左右其事，至二十三年秋乃謀釐金付刊。第一集現已付印，所採爲唐項子遷詩（有刊本）宋吳芾湖山集等，萬曆仙居縣志傳本甚罕，故亦收入，都凡十一種七十卷。第二集並已擬目十五種，將以餘力圖之。(註十二)是其以一邑爲限，視浙江其他叢書之多以舊府屬爲災難者爲縮。然前乎此者，固已有長興王揚齋氏之輯長興叢書，亦限于一邑，惜刻版垂成而燬耳。

綜上所述，可見本省輯刊郡邑叢書之風，在清已稱極盛，至民國以來，猶繼起成書，縣延至今弗替，以視他省之在

晚近浙江省文獻述概

六

近年始輯一省鄉賢之叢書者，爲足尙矣。諸書之中，以金華吳興二書，羅致最廣，卷帙最巨；而各屬中又多後先繼美，相得而益彰者，金台二屬尤爲著例。至若近在輯印中之三叢書，仙居叢書所收卷帙有限，刊成當非難事。處州叢書厄于印資，倡議久而未成，苟爲求實際而不整繁博，正可酌刪擬目，（如葉夢得石林燕語亦列入擬目，通行本尙易求，似可不收），則出書當更易實現。四明叢書僅已定之四集擬目，已足蔚爲大觀。以張氏之資用較裕，乃心梓桑，益以甬人士之左右其事，繼此以往，擴充正未可量。惟俾後出益精而無濫，則有望于海內同志之匡助與刊者之審擇耳。綜觀兩浙舊十一府屬之中，其九屬于鄉賢叢書已各有所輯成，惟舊衢屬嚴屬尙無茲舉。（桐廬袁爽秋刊漸西村舍叢書，所收有嚴屬先賢作但非限以郡邑之叢書）衢嚴二屬在浙省雖人文稍遜，然衢州如代宋趙清獻之仕績，明吾景瑞之博雅，嚴州如淳安商引載之政聲，桐廬袁爽秋之遠識，皆卓然可傳；而歷代竺學之士，不求聞達，著述流散有待表揚者，尤必非鮮。彼郡人士，懷鄉賢音徽之漸沫，瞻他郡刊書之前規，知必有聞風興起以從事于斯者。夫而後我浙刻書之業，益將垂爲海內完美之風範也。

茲爲便利學者之考稽，表列本省已刊及輯刊中之郡邑叢書于次：序以舊府屬，每屬復以年爲次，藉覘一地一時風氣之盛衰。民國以來所刊印者，更顯示之，備省覽焉。

浙江省郡邑叢書簡表

舊府志	叢書名	集數	種數	冊數	輯刊人	刊刻時期	備考
嘉興	武林亭故叢編	廿六		二〇八	清錢唐丁丙	清光緒九年嘉惠堂丁氏刊	現藏本館印售
	武林亭故叢編	第廿八	四一	八八	近人杭縣孫峻	第廿七集已於民國廿三年刊成第廿八集在刊刻中	現藏本館印售

		武林往哲遺著	五二	六六清錢唐丁丙	清光緒二十三年刊	不分部類多屬子集兩部尤以生
		武林往哲遺著後編	十	三二全上	清光緒間丁氏刊	同 上
		西泠五布衣遺著		十全上	清同治十二年丁氏刊	此書雖屬總集性質然亦
		西湖集覽	四四	二四全上	光緒九年丁氏刊	可謂爲部邑叢刊
		嘉興楊李遺書	二〇	清嘉善孫福清	清光緒十四年望雲仙	多屬子集部書率係就掌
		紹興李叢書	二	一六近人平湖金蓉鏡	清光緒十四年望雲仙	多屬子集部書率係就掌
		湖州先哲叢書	十二	廿四清歸安陸心源	清光緒間湖城義塾刊	兼包四部書
		吳興叢書	六五	二三六今人劉承幹	清光緒間湖城義塾刊	兼包四部書
		長興叢書	四〇	五〇今人長興王修	民國九年嘉業堂陸績	兼包四部
		甯波四明叢書	第一二四	六四今人郭張壽鏞	民國八年刊惜不久被	分四部
		紹興先正遺書	四	四八清紹興徐友蘭	民國廿二年刊	已出二集後包史子集書
		越中文獻輯存書	十一	六不著編輯人	清光緒廿三年刊	三集以後續刊中
		會稽郡故書彙集	八	一今人紹興周作人	清光緒間刊	並羅四部
		台州叢書	甲集	清臨海宋世榮	清宣統二年紹興公報	屬史子集性質
		臨海玉閣叢書	乙集	清臨海宋世榮	民國四年刊	純屬史部書
		台州叢書續編	四	一清臨海葉書編	清嘉慶間刊	包涵史子集部書
				三一清黃巖王菱等	光緒十九年刊	四種均屬子部亦台屬鄉
					清光緒廿四年翁長森	賢遺著之彙刊
						兼包四部

晚近浙江省文獻述概

八

台州叢書後集 赤城遺書彙刊 續台州叢書 續居叢書 一六 一六 一六 一六 一四清黃巖楊長 一二近人溫嶺金嗣獻 今人黃巖喻長森編未刊 民國四年 同上 屬史集兩類 純子部書，金氏謀續刊 因早世不果 周共得書八三三卷見 州叢書彙序 首集彙錄四部次集依 日部彙錄經部書，而中 間尚有待訪日在。	金華叢書 續金華叢書 第二 第二 十一 六 六 五 一七八卷 今人仙居李鏡渠編 二七五清永康胡鳳丹 一二〇清水康胡宗赫 第一集已於民國二十 三年開始付印 清同治中胡氏退補齋 刊 清宣統中胡氏夢選樓 刊 包四部 後多收入金華叢書 而以集為最多 純集彙部 包涵史子集三部書	溫州 金華文萃 永嘉叢書 永嘉詩人祠堂叢刻 墨香錄彙編 一〇 一五 六 一〇 四七清瑞安孫衣言 九近人如皋冒廣生 二近人瑞安楊嘉 （潮初） （則嘉） 清同治八年退補齋刊 清同治中瑞安孫氏詒 善祠塾刊 民國四年 民國十三年 後多收入金華叢書 而以集為最多 純集彙部 包涵史子集三部書	處州叢書 風雜志彙刊 敬鄉樓叢書 第二 第三 一〇 一〇 一〇 一二近人平陽黃肇 瑞安風雜志社 今人青田端木燾 民國十八年刊 民國廿三年冬始刊 民國廿三年開始付雕 現未出版 係就該志所載鄉先生遺 著輯刊別行者 兼雜四部	附注（一）本表所列各書，以便利觀覽起見，故兼收清代輯刊諸書，惟本節主旨在述民國以來本省郡邑叢書之新刊，故仍就書名旁加粗點以示別，凡無旁點者概為清刊，有點者則為民國以後，俾覽者可兼觀其分與全云。 （二）此表僅就觀記所及製成，館友張崇君補正最多，惟挂漏之虞，猶恐難免，維博雅不吝匡糾，幸甚。
---	--	---	---	---

與郡邑叢書體例不同而用意無殊者，則有樊鍾離邑名賢之詩文爲總集之舉。其表揚前哲啓迪後賢之效，固亦郡邑叢書之流亞，語文獻者所不能遺也。其在吾浙之總集，遠如宋孔延之之會稽掇英集，已有足稱。近古以來，各屬輯詩文總集者，頗多其人，而括全省以成選集，則常推嘉慶間阮芸臺元所輯刊之兩浙輶軒錄，（註十二）與光緒間潘鐸序（註十三）輯刊之兩浙輶軒續錄（註十四）最爲鉅帙。其他以一郡一邑爲限者，亦復多有。試以四明爲例，遠有宋高士之四明雅集，張司馬之四明風雅，惜皆佚不傳。明初楊碧川有四明羣雅，而楊次莊之甬東詩括，則以一邑爲限。至清康熙間，胡道南（註十五）輯甬上者舊詩，（註十六）乾隆間全謝山（註十七）輯甬上者舊詩，（註十八）廣蒐鄉邦之雅音，尤能蔚爲大觀，民國以來，此風猶相沿不息，而蒐採較備篇帙較巨者，當推四明清詩略。清同治間，鄞人董覺軒（名沛字孟如）既著甬上宋元詩略，甬上明詩略，（見四明清詩略序引，蓋成稿未刊者）更以助兩浙輶軒續錄之采詩，復自追輯清初諸家詩，得千六百餘家，稿成未梓而歿。其館甥忻紹如（註十九）謀審訂校補，釐定爲三十二卷，更輯自同治迄清亡之郡人詩爲釐稿八卷，由寧屬六邑人士賻資萬餘金，于民國十九年印成四明清詩略，都二十冊。（註二十）此外相類之書，不復備舉。至若近年來整理鄉賢未刊遺稿，兼布近人專著，效坊間期刊所爲以時印布者，則有溫州之甌風雜誌。蓋以「前賢長篇之著述已彰，而短什之沈埋不彰」，故其義旨，重在「表微」。（見發刊詞）自民國二十三年一月始，月爲一集，（註二十一）所刊溫屬鄉先哲未刊稿，如孫仲容（註二十二）之顧亭林詩後記六曆甄微，陳介石（註二十三）之老子發微，宋平子（註二十四）之六齋臆稿，黃仲復（註二十五）陳食庵（註二十六）之遺文，方雪齋（註二十七）之敬業堂詩校記，黃漱蘭（註二十八）之遺詩，皆近代鄉賢之遺芬；而所刊布之鄉賢年譜（如孫廷鈞之孫敬軒年譜陳謐之陳介石年譜）與碑傳，復足章地方之文獻。頃聞猶擬合編其已載全稿者爲彙刊二輯，第一輯專集論著，第二輯則專輯先賢年譜，果得印成，亦郡邑叢書之流亞也。聞張詠寬先生近以各方檢送四明前修未刊著作頗夥，有不能盡于叢收書者，擬別輯「四明文獻叢編」，以時刊行，蓋猶是甌風之初旨。本省各邑人士，苟能共師此意，隨時蒐訪，以鉛模排印，費省而效廣，行見先哲心方所萃，均得保于垂佚矣。張氏復爲便學者考見鄉賢重要著述之大凡計，仿四庫提要例，輯爲「四

明先賢遺著提要」，聘夏啓倫氏主其事。(註十九)是亦足以揚先芬而勵繼起者也。

x

x

x

x

(註一) 元微之序白氏長慶集自注云「揭越間多作書摹勒樂天及予雜詩賣于市肆之中。」

(註二) 冊府元龜引馮道奏文

(註三) 南宋太學在杭州紀家橋東，舊爲岳飛第宅，太學情形詳見咸淳臨安志康熙錢唐志及新修杭州府志等書。

(註四) 見葉德輝書林清話卷九「刻鄉先哲之書」條。

(註五) 續稿李叢書五種：秀水俞汝言之春秋平義十二卷，及春秋四傳糾正一卷，余霖輯錄嘉興周質撰采山堂遺文

二卷，嘉興張鳴珂撰寒松閣游藝錄六卷，(原名景賢錄)此四種爲第一集；明秀水盛楓撰嘉禾徵獻錄五十卷，外紀六卷，爲第二集。

(註六) 敬鄉樓叢書三集所收共二十八種，其子目叢書舉要未收，本館圖書總目已收入，茲不備列。

(註七) 見四明叢書凡例第二

(註八) 四明叢書序例曾載浙江圖書館月刊一卷十期，自第一集至第四集總目見浙江圖書館館刊二卷三期，第二集總序見同刊二卷五期。

(註九) 宋元學案補遺百卷，又博考三卷，郭王梓材撰。梓材字嘯軒，嘉道間讀書馮氏醉經閣，病宋元學案所收多闕，鈎稽志乘專集，成補遺四十二卷，繼復增訂，從謝山正編之例，定爲百卷，爲何子貞所稱賞，未刊而歿，稿

藏屠康侯_{錫爵}家。二十一年浙紳數人擬請當局籌刊不果，張氏遂取而收入叢書中，補遺四十二卷本北平有抄本，單不庵先生曾抄得一部，現存浙江圖書館。

(註十) 處州叢書總目，及喻長霖序端末或自序，皆曾載浙江圖書館館刊復卷六期。

關於處州叢書之付印，久經艱阻，自二十二年春發起募款預約，限以八月，並集議定價以徵募旅外郡人之預約，至二十三年猶所得不敷，近聞教育廳有令各縣分認之訊，想不久可以公世。

(註十一) 喻長霖處州叢書序有云：「昔從王子莊師游，……嘗與余言，當先續台州叢書，……余續承斯旨，爲續輯台州叢書八百三十三卷，……叢書尙待付梓，文徵亦未卒業」。

(註十二) 詳見王榮等仙居叢書緣起，原文與兩集書目並已刊載于浙江圖書館館刊三卷六期。

(註十三) 兩浙輶軒錄五十卷，阮元輯。阮公于嘉慶初督學浙江，採輯清順治以迄乾隆間浙人之詩，凡四千餘家，詩一萬一千餘首。阮公巡撫浙江時，爲之付刊。光緒十六年浙江官書局又爲之重刻，現版藏浙江圖書館，印售行世，爲考兩浙詞林掌故之淵藪焉。

(註十四) 兩浙輶軒續錄，潘衍桐輯。潘公視學浙江，卽本阮公之初意，分郡採輯嘉慶以後詩及阮錄失收者，並採各家已有輯成之專集，（如杭郡詩輯吳興詩錄上虞詩集姚江詩存等）得四千七百有九家，詩一萬三千五百四十三首，光緒十七年浙江官局刻，凡四十冊，五十四卷，浙省崧駿有序，稱其較前錄有三難云。尤有足述者，則因助採輯之役，遂爲一郡一邑特成一書者，更有數種，如胡鳳丹之金華詩續錄，王葵之台詩待訪錄，周庠之東陽詩存，何德潤之武川詩鈔，金文田之天台詩存，葉詩之臨海詩錄，及鄭永禧之西安懷舊集，皆所集尤備，可見此役沾溉之廣也。

(註十五) 清康熙間李嗣業^{字景榮}作甬上耆舊傳。鄞人胡文學^{字道南}據其所錄諸人，採其遺詩編爲甬上耆舊詩三十卷，始周迄明，各以類從。康熙四十九年金華珠刊本，四庫全書總集五。

(註十六) 續甬上耆舊詩一百二十卷，鄞全祖望輯。祖望嘗欲爲李杲堂補甬上耆舊錄，先致意于詩社。以爲甲申以後，遺老詩稱極盛，承平後詩盟中振，因輯成續耆舊詩。視杲堂爲加詳，稿成未刊，歸抱經樓盧氏。其門人蔣學鏞^字釐定爲八十卷，董秉純諸人多錄副本，詳略各殊，道光間徐時棟釐正爲三校本，同光間陸廷獻^字據黃楚生鈔本謝廣生編次本校補爲一百四十卷。清季國學保存會有印本多舛。至民國七年慈谿馮貞羣據謝本編次爲百二十卷，印爲二十四本行世。

(註十七) 四明清詩略三十五卷，又續稿八卷，所錄都二千一百九十四家，爲詩九千四百六十八首。首三卷收明選民詩，（稱卷首上中下以示別）正編採自清初迄同治間之詩，皆董氏原輯。續稿八卷，則採同治迄清亡之郡人詩。編校歷時二年餘，編印糜款萬餘金；助析氏參訂者，有王家藩勵延豫諸人，助印資者，爲毛雍祥樂俊寶等三十人。

(註十八) 甌風雜誌二十三年一月創刊，署名發起者有林公鐸^字池雲珊^字李雁晴^字宋墨庵^字孫孟晉^字劉次饒^字李孟楚^字梅冷生^字陳仲陶^字黃仲蘇^字等，以「開揚先賢遺著，昌明永嘉學術，正俗解蔽」爲職志，其內容分通論名著專載文苑叢錄紀事六類，而取材則由舊溫屬各邑以推及于處州，（舊溫處並爲一道）以廣聲氣。大抵通論專載率爲近人之作，文苑叢錄則兼蒐今人之文，而主在有繫掌故文獻者，名著則全爲溫州鄞先賢未刊遺著。（一年

中已載者備見前引）今人作品，以林公鐸^撰池雲珊^志高誼孫孟晉^延諸人爲多，由瑞安楊銜街五號仿古書局印。

（即該社通訊處，雜誌全年價六元三角）

（註十九）見申報二十三年六月九日載，按載係張氏與葉琢堂周杜琴王伯元等共同發起集資爲社，聘夏啓鑰主編事，浙江明亦與助其事。意在考各藏家所有者，彙列書目，考其版本源流，仿四庫提要之體例，以成四明先賢遺著提要云。

+ + + + + + + +

二、地方志乘之纂修

方志之體，至宋而始備。浙江自南宋定都臨安，人文蔚盛，復得賢有司倡導于其間，故各郡邑頗能及時整理方冊，輯爲地志。四庫著錄之宋元浙省志乘，自乾道臨安志以次，凡十五種。自明代後葉以迄清康熙間，輯刊尤繁。同光之間，猶時有重修之舉。民國以來，本省縣志之新修者，就知見所及，至今已達二十三種，而近年來設局纂輯未及公世者猶未與。環顧海內二十年來，干戈侵尋，而吾浙省各縣猶能及時蒐輯文獻，以有事于此政教所繫之大業，不可謂非盛事矣。茲表列民國以來本省新修縣志之卷數主纂人與年期于次：

民國以來浙江省新修縣志簡表（附新印府志）

〔志 名〕	〔卷 數〕	〔冊 數〕	〔主 纂 者〕	〔出 版 年 期〕	〔備 考〕
於潛縣志	二十		程兼善	民國二年	光緒二十四年重纂本刊民國二年謝青翰據舊稿石印，實非新編
天台縣志稿	四十		諸傳誥	民國四年	
新昌縣志	二十		陳 畬	民國七年	附詩文存二卷及金城撰農事表
建德縣志	十五		王 韜	民國八年	
新登縣志	二十一		張子榮	民國十一年	有附錄

海寧州志稿

四十一

三十二

朱寶瑄 朱錫恩

民國十一年

附志餘

昌化縣志

十八

八

許昌言

民國十三年

杭州府志

一百七十八

八十

吳慶坻

民國十四年

龍游縣志

四十二

十六

余紹宋

民國十四年

平陽縣志

九十八

三十

劉紹寬

民國十四年

定海縣志

十六

六

陳訓正

民國十五年

象山縣志

三十二

二十

陳漢章

民國十五年

麗水縣志

十四

十

孫壽芝

民國十五年

松陽縣志

十四

林鶴翔

民國十五年

嘉興新志

上編

一

陸志鴻

民國十八年

南田縣志

三十五

二

厲家楨

民國十九年

壽昌縣志

十

八

李鈺

民國十九年

遂安縣志

十

八

洪夢雲

民國十九年

湯溪縣志

二十

十二

戴鴻熙

民國二十年

鎮海縣志

四十五 備稿
二卷

廿四

楊敏曾

民國二十一年

德清縣新志

十四

四

程森

民國二十一年

景甯縣續志

十七

六

柳景之

民國二十二年

宣平縣志

十六

二十

鄭家箴等

十五年修

晚近浙江省文獻述概

已出版

二二

係舊編，詳見附註及後方
序例目曾載本館館刊二卷
五期

例目曾載館刊三卷四期

下編尚未出版

叙例目曾見館刊二卷三期

十七年始編印竣遺一二八
之難失大半今重印序例曾
見館刊二卷二期

衢縣志稿

三十

三十

鄭永禧

存稿未刊

序例目曾載館刊三卷二期

(附註)

杭州府志與於舊志皆民國新印，而纂修實成于清季，本應視為清末之方志，但清時未印，故亦列入。

右列諸志，惟鄭氏衢縣志猶為未刊稿（原稿存鄭氏，浙江圖書館有傳鈔本）（註二十）宣平新志猶未見及，或印竣有待

；其餘二十二種，除於舊志及杭州府志為光緒舊編（但未曾印）外，餘則皆在民國以來先後編印者，而以民國十五年至十九年間所出版為最夥。雖其刻印之精麁不一，體例之宏疏各殊，而要皆承舊志以待後賢，足為今日政教之借鏡者也。至于本省鄉鎮山志之纂修，二十餘年來，亦頗有成書，見聞所及者亦十餘種，舉要略表如次，其中惟烏青鎮志尚未公世云（註二十一）

民國以來纂修鄉鎮山志簡表

〔志名〕	〔縣屬〕	〔卷數〕	〔冊數〕	〔主纂者〕	〔出版年〕	〔備考〕
靈峯志	杭縣		四	周慶雲	民國元年	
路橋志	黃巖		二	楊晨	民國四年	
雙林鎮志	吳興	卅二	四	蔡蒙	民國六年	
西湖新志	杭縣	二十	五	胡祥翰	民國十年	內補遺六卷
南潯志	吳興	六十	十六	周慶雲	民國十一年	
梅里備志	嘉興	八	三	余霖	民國十一年	
新塍鎮志	嘉興	二十六	四	朱士楮	民國十二年	
蕭山湘湖志	蕭山	八卷		周易藻	民國十四年	附外編續志

莫干山志

武康

十三

四

周慶雲

民國十六年

濮院志

桐鄉

三十

夏辛銘

民國十八年

松夏志

上虞

十二

四

連光樞

民國二十年

烏青鎮志

桐鄉

盧學溥

未刊

烏鎮屬吳興
青鎮屬桐鄉

近三數年來，本省各邑人士鑒于志乘及時重修之重要，因而籌費設局，從事纂輯者，時有所聞。其集資較充，取材較宏者，當推鄞縣志；而醞釀之久，以及繼前志以後蒐集志料之富，當推瑞安志。此外則見聞所及，江山海鹽崇德玉環諸縣，亦已先後開始修纂新志。而略有傳聞或以故暫輟者，猶不與焉。略述鄞志等之倡議修纂情形于次，以告關心志乘之士云：

（一）鄞縣通志

鄞縣志自乾隆間錢竹汀氏

大時

修成以後，至光緒初葉覺軒等重纂成書；（初為張恕主纂，

旋故，董氏與徐時棟繼之，光緒三年刊）迄于今茲，失修又五十餘年，縣當局與地方士紳久擬重修而未果。會邑人姜炳生氏願任編纂費，縣府遂決定從事，二十二年一月設立鄞縣通志館，聘張申之傳保為館長，陳配懷調正為總纂。陳氏曾主纂民國定海縣志，比復斟酌錢董二志，參據內部通志事例，折衷損益，定為六志，曰輿地、政教、博物、文獻、食貨、工程、各為若干目。（註二十三）聘定分纂，列目採訪，迄今成稿已過半，排校公世，當在三四年以後。復以採訪之中，所集傳狀較繁，而志例于人物概從簡括，未能盡量收錄，而表章先德，義所勿辭，則將諸家傳狀誌表，別輯文獻備錄若干卷。（註二十四）蓋鄞為浙東大邑，近世政教鼎盛，前志已臻七十五卷，新志取材自更倍蓰。今體例取重簡要，而人物非宜盡汰，則志錄並行，庶幾文質兼顧，猶是曾稽章氏「文徵」之旨也。

自民國分南田自為一縣，舊甯屬地凡為七邑。南田于十九年始設縣志，此外定海象山鎮海並有民國新修縣志，且皆成于當代宿學，今則鄞志亦垂成，惟慈谿奉化自光緒志以後，尙無新修。最近聞亦有修志之議，惜猶為報章傳述，實際

未遑進行。果使此二縣亦修新志，是甯屬新志之備，尤足爲他邑樹之風聲矣。

(二)瑞安縣志

瑞安雖壤地狹小，而夙爲瓊海名邑，近代尤篤生賢俊，有小鄒魯之稱。其縣志在清康熙乾隆

間^開後^修實^修，^(康熙志口佚)及嘉慶十三年，餘姚黃徵父邑人戈鶴翔等重修，(凡十卷，八冊)爲最後續增之本。自茲迄

今，已百二十餘年。清季邑人孫琴西^之書

篇頌(詒讓字仲容)父子在日，先後有志于重修。琴西嘗欲私作溫州備志，訂探

訪之約，而未及成，然如顧海軼聞等書，皆足爲志材之取據。篇頌有溫州經籍志之纂，亦足訂前志之失。(惟兩公所著

皆概全於處而不限于瑞邑)光緒八年，曾設志局，摘頌實與其役，(志局總例採訪例皆出手筆)旋以故中輟。民國十五年

，又曾延賢設局，後復停辦。惟官修雖無所成，而私家撰述庶積成書者，頗有益於今後之甄采。今縣長陳志莊^或鑒于此

事之重要，並受國民黨第十三次全縣代表大會之督促，遂于二十三年八月決定重修新志，以保文獻，組織志籌備委員會

，委員四十餘人。惟以修志經費，昔年隨田賦徵存者，近已移用難以復集。而纂修人選，亦頗有問題。以是荏苒半載，

未有成效。邑人孫孟哲(延釗，仲容先生令嗣)撰有「瑞安縣志問題之過去與方來」一文，于修志事籌畫甚詳。近聞去年

歲杪已推定常務委員，分股進行，限以六閱月爲籌備期，籌定款項，採集志料，然後設局始修。^(註二十五)瑞安人文，瓊

海稱最，參與籌備者皆一時之彥碩，知必有以荏荊棘以達其成，而新志之美富勝前，又於今日之人選可以預覩之也。

(三)江山縣志

民國以來，衢屬各邑之重修邑志者，惟龍游一縣。邑人余越園^{紹興}氏獨力主纂，體例自成家

言，爲當世所稱；^{參見本志}

最近則有江山縣修志之訊。江山同治志爲王彬主纂(同治十二年文籍書院刻本，十二卷八冊)

迄今蓋七十年。民國廿二年八月，縣府聘何鏞等組修志委員會，十一月開始治事。^(註二十六)惟開初辦之時，即苦費絀，

年來該縣頻驚風鶴，度志事必遭掣阻。今浙邊肅清，所望邑人士勿遺此根本之圖，庶前志而促其成焉。

(四)海鹽縣志

嘉屬各縣，民國以來惟嘉興曾修纂新志，印成上編而未竣；此外則近有海鹽崇德並皆進行修

志之役，而嘉興亦有續成新志下編之圖，嘉善亦有修志之傳聞焉。海鹽志最近者爲光緒初徐用儀修撰者，(光緒二年

刊本，二十四卷十六冊）與鄞縣前志相近。廿三年三月，以縣黨部之主持，設海鹽縣修志局于教育局內，聘徐頌深等爲委員，並設法請府撥款并籌募，聞採訪已開始進行云。（註二七）

（五）崇德縣志 崇德清代稱石門，民國復其舊稱。石門縣志最近者爲光緒初余麗元修纂本。（光緒四年刊本，十一卷十四冊）二十三年六月，組設續修縣志委員會，推毛皋坤成立型爲主任，經費先撥一千元，翌月開始辦公，並進行採訪云。（註二八）

（六）玉環縣志 溫屬各縣縣志，于民國成立以後重修成書者，有劉紹寬主修之平陽縣志，（見上附表）而崇清光緒志則經高誼黃式蘇補證，亦有民國元年重刊本。至最近以修志聞者，瑞安以外復有玉環永嘉二縣。清玉環縣志爲光緒初呂鴻藻主纂本，（光緒六年刊本，十四卷八冊）民國成立，改題爲縣，旋即有改修縣志之舉，略有成稿，旋歸停輟，今縣長盧雲琛氏爰繼武前人，于二十三年十一月決組修志委員會，推定委員十三人，而聘主修平陽新志之劉次饒氏^{紹寬}爲總纂，協纂分纂等十四人。（註二九）果使籌費裕如，觀成當非難事。至于永嘉修志猶爲最近傳訊，未詳其準備若何耳。

上述六縣修志之役，惟鄞縣瑞安知之較詳，餘則僅開始舉，類鮮嗣響，亦未遑馳書詢求其詳也。外此如嘉興嘉善本化紹興隆永嘉諸縣，亦皆有修志之籌議。（註三十）至或實際從事，未獲傳聞者，或猶不鮮；而私家撰述，足備後人之甄采者，尤難得而詳矣。

孫仲容先生有云：近代地志，多出官修，監定出于俗吏，編集付之文士，於古志義例及郡邑掌故，全不考校，故每一重修，必增無數訛繆。蓋舊志之誤者，彼既不能考正，而編刻潦草，則舊志所不誤者，展轉改易以歸于誤。俗士不知鑒別，以爲必當精備勝前，而鄙舊志爲已陳之芻狗。（註三十一）孫氏所言，雖未可概精撰之新志；然舊志之不可盡廢，卽此已甚昭著，矧其保存前代掌故，猶足多資考稽乎？四庫纂書，于浙江郡邑宋元志著錄頗夥，（註三十二）而嘉泰會稽志爲

其一。民國十五年，王家襄等鑒是志存本甚鮮，爲據采輯軒本影印傳世。此外重印明志者，有萬曆龍游志（萬廷謨修，民國十二年余紹宋重印本）萬曆秀水志（十四年）等。而清代舊志存本已罕重印行世者，則更夥；如張吉安嘉慶餘杭縣志（民國八年重印）張凱嘉慶德清縣志（六年重印）馮登府道光象山縣志（四年重印）王舟瑤光緒台州府志（十五年鉛印）余恂廉熙龍游縣志（六年重刊）陳珪光緒樂清縣志（民國元年高誼增補刊本）等，而在金屬重印之業爲尤盛。道光金華縣志光緒金華縣志（民國四年排印）道光東陽縣志（三年石印）光緒浦江縣志（五年排印）皆是。凡此種種，或足與新志有相互發明之用，（如龍游德清象山皆有新志）或亦在未遑重修之前，有守先待後之效。（重印之山志鎮志，如普陀山志年浦九山志烏青鎮志等從略）至于省會之杭州，則自鄭漢主纂之乾隆四十九年刊本以後，至清季光緒初始議重修，而數度開局，先後增修，至光緒二十三年王棻覆審竣事，仍未付刊。民國十一年，省當局始集款據舊稿印行，即今通行本是。（註三十）

三 是志在民國付印前僅略有補正，大抵仍吳（慶坻）王棻修纂之舊稿，故不足稱爲民國新修之志；然以授梓時而論，猶不可謂非民國以後本省志乘之新續也。自杭州改市，規制益新，而廿餘年來，省會人事變嬗之繁，尤不可無新志以爲考徵，則杭志之重修，尤全省人士所不宜忽者也。

綜觀上述，近二十年來浙江各縣修纂方志業，方之邊遠各省，雖略有可觀，然七十五縣之中，民國以來新修縣志成稿者僅二十一縣，合之現時切實進行中之六縣，亦僅逾三分之一。其亟待重修而力未能舉者，猶四十餘縣；其間或略有修志之傳聞，而阻碍重重者復不在鮮。公私交困，人才凋敝，此有繁文獻與政教之宏業，遂不絕如縷矣。而尤爲本省斯業之一大缺憾者，厥爲全省通志之失修。浙江省志乘之體，雖淵源甚遠，（如漢之三郡記，吳之會稽土地記）而省志之作，則昉自明嘉靖間薛應旂之浙江通志，（七十二卷嘉靖三十九年刊本）雖稿稱七易，而繁簡失當，清康熙間浙督施雅

翰因薛志損益，浙撫趙士麟爲付刊，（五十卷康熙二十三年刊本）倉卒成稿，亦病苟簡。雍正中葉，浙督李衛又聘沈翼機等重纂，成浙江通志二百八十卷。乾隆元年，浙督龔曾筠松友更爲補訂，表上付刊。自是以迄清亡，未嘗重修。

（案梁任公撰清代學者整理舊學之總成績，方志學一章中述及阮元重修浙江通志，實失檢。惟清史稿阮傳亦有此語，殆文達當時有此議，惜不果行也？）民國初年，嘗設浙江通志館，嘉興沈子培、錢塘吳子修先後主其事。旋以曠日無成，物議滋多，志局遂罷，寫成者多爲舛謬之稿，鮮加覆審，似無多足觀。（註三十五）省府成立以後，曾有重修省志之議而未成。（十七年間省委蔣夢麟曾提重修省志案）二十三年，上海商務書館景印各省通志，首及浙江，竟惟以乾隆本爲據。故已故省主席魯公詠安撰序，雖稱「二百年間，斯志迄未續纂，兩浙文獻，散佚堪虞」，而終亦惟以「庫帙正虛，纂輯事繁」，付之于「深可慨歎」而已。（註三十六）夫省志與州縣志旨同而途殊，會稽章氏所謂「所貴乎通志者，爲能合府縣志之所不能合」，故應「詳人所不能詳，亦勢必略人所不能略」。（註三十七）審是以觀，縱使縣志盡備，省志亦未可以是而或緩。吾人鑒于安徽（十九年九月成立通志館，近已出版一部分計五十二冊）江蘇（民國十六年設立通志編纂委員會，開館焦山，成稿一部分而中輟，二十二年主席陳果夫又重設館進行）河南（二十三年一月省志初稿完成，凡七百餘卷）各省之先後纂修省志，邊遠省分如察哈爾（二十三年元旦成立通志館）甘肅（修志始于二十一年左右，去年春副館長張鴻汀氏來杭語余，新志已成稿十六七，則完成當不遠）綏遠（二十年一月成立通志館）等省亦踵起有事茲業，而山東省則民國四年已有新修之通志，至十三年七月又設修志會。以重行纂修，其赴事之勤，尤爲各省所罕見。浙省夙稱文物之邦，比歲以來，建設益督，庶事修明，而省志乃歷二百年而未修。

（乾隆元年即一七三六年，至明年遂爲二百年）以視上舉諸省，應有愧色。詩云：「誦之罄兮，維勗之恥」，願省人士懷桑梓敬恭之思，抱文獻失墜之憂，于此亟有以共圖其成也。

纂修方志以外，輯集一方之掌故以備修志頌采者，其例甚多，茲不備詳。（註三十八）惟如鄉邑經籍志之輯，則尤爲學者所注意。大抵方志之體例不一，門類之分別斯異，而舊萃本省本縣之先賢著述，以志藝文，（註三十九）則各志所多有。而以事較專門，尤多別輯或詳者，浙省各郡邑藝文志，與方志相輔翼而單行者，有海昌（今海鹽）金華溫州杭州諸志；（註四十）而專著金石者，則有東甌金石志括蒼金石志補遺諸書，而阮氏兩浙金石志最爲鉅製。

(孫氏溫州經籍志成書較晚) 民國以來，本省郡邑之特輯爲藝文志金石志者，未數數觀。惟臨海項士元(原名元勳)輯台州經籍志，以民國四年授梓；(註二十四)黃巖楊定夫撰台州金石略台州藝文略，刊入台州叢書。此外學者之以私撰爲地方志藝文者，必猶不鮮，莫能備知。凡此要皆足以徵存著述，抑亦纂輯方志之支與也。

+ + + + + + + + + + +

(註二十) 衢縣志失修已百餘年，民國十年，邑人倡議修志，由邑人鄭渭川先生主修，辛勤編撰，致喪厥明。同時龍游余越園先生修龍游志，頗與商討，後爲撰序備致推挹。十七年鄭歿，稿存哲嗣昌時君處，二十三年浙江圖書館爲之傳鈔一部，都三十卷七萬言。鄭志序例及余序見浙江圖書館館刊三卷二期。

(註二十一) 宣平縣志鄒家篋等編撰，民國十五年始編，早已付印，以印費絀而稽延。據二十二年六月十五日杭州民國日報載，縣長邀集志局原負責人籌款，並向麗水印刷公司催印，但本館現未見寄，或已可出版云。

(註二十二) 烏青鎮志最早係朱沈平撰，明萬曆間重輯，清乾隆間董世寧重修，體材頗勝于縣志，民國七年有重印本。鎮人盧鑑泉先生積資嗜學，嘗刊桐鄉勞先生遺稿，二十二年九月，因獨任費用，發起設局修輯，並登報徵求材料，見二十二年十月杪二十三年七月初申報廣告。(消息最先見二十二年九月十六日嘉興民國日報)。至二十三年九月初稿已竣，送上海由盧氏覆審，想梓行不遠矣。

(註二十三) 鄞縣通志草創例目，雖未公布，余從志館獲見之，後又先後見已修各志之稿，其目時多更易。大較言之，其部別較一般舊志爲賅而廣，如輿地志自沿革疆域山川以外，物產交通營建等亦納之；政教志自行政外，包括教育實業等目；文獻志則擬分爲藝文人物選舉名宦政論史事禮俗方言風謠等目，人物志分類表列，尤有甚繁執要之效；工程志包括公路河道，其別出亦近新例。其採訪類例見廿二年十一月中旬申報。迄今成稿已過半，將行浙江省立圖書館附設印行所印行。

(註二十四) 鄞志修志費，姜炳生君所認爲編纂費，姜氏于廿三年作古，其子仍續遺志認定總數爲四萬五千元，惟印帙既巨，印刷之費估計亦須五萬元左右。故規定就文獻備錄送稿各家，分別認繳，以集成印資。按此法他縣志殊可仿行，足爲費絀之一助。(備錄徵稿啓事，見二十三年十一月十一日以後申報)

(註二十五) 瑞安修志消息，地方報及杭報時有紀載，浙江圖書館館刊三卷五期及四卷一期彙誌之。孫延釗「瑞安

縣志問題之過去與方來」，亦曾載同館刊三卷五期，于清季以來屢議修不成之經過及邑人私著敘述甚備，且為今茲進行籌策頗周，孫氏撰文後以經費與人選之難題，志事曾暫停輟。關於經費，自民國十二年始本已隨糧帶徵，達七千餘元，以撥經軍興，此款已多移充過境兵士之供應，又有為難者巧取，今已幾無餘存，雖主追查補償，已難復集。惟近見一月二十五日溫州新報載：上年十二月籌備大會，推定常務委員，並互推總務徵集經濟三股股長，徵集組由孫延釗李翹擔任，並暫定籌備期為六個月，在樓衙街設籌備會所，俟志料略集，經費有着，再行設局，想補籌費用，按步程功，設局始算當不遠也。

(註二十六) 杭州民國日報廿二年九月二十八日有江山修志委員會開會消息。

(註二十七) 同上廿三年三月十八日有海鹽重修縣志會開會之記載。

(註二十八) 據嘉興民國日報廿三年六月十五日載有崇德修志會第一次會紀錄。

(註二十九) 玉環修志消息，二十三年十一月十六日東南日報載縣政會決定辦法甚詳。

(註三十) 嘉興縣新志十八年出版上編，下編已成初稿而未梓，嘉興文獻委員會受縣府之託，曾設續刊，但據二十三年十一月一日嘉報載該會以費絀不克印成，擬將下冊志料在刊物連載；實非根本之圖。紹興自民國以來，新修之縣志無聞。二十一年抄，曾見報載(十二月十六日民國日報)嵊縣有修志擬定略例之消息，後未獲聞。紹興修志，自廿一年後時有籌劃，最近聞已聘人採訪始事。奉化在廿三年六月行政會曾籌擬及此，慈谿則廿三年三月縣府亦曾議及。永嘉則最近始聞有修志之籌劃云。

(註三十一) 節引孫氏徵訪溫州道書約。

(註三十二) 四庫著錄方志之例，于各省通志各採新修本以外，郡縣志則宋元現存本多收，明志亦擇尤採入一二。浙江宋代郡縣志所收有乾道臨安志，咸淳臨安志，嘉泰會稽志，景定嚴州續志，嘉定赤城(台州)志，寶慶四明志及新安志(新城)刻錄(縣志)等，元志則有至元嘉禾志延祐四明志大德昌國州(定海)圖志等，明志則僅吳興備志一種而已。

(註三十三) 杭州府志康熙間兩度修撰，乾隆時亦兩修，經亂久未重修。光緒五年，郡守吳嘉儀延李榕東纂，越八年前而定初稿。十四年，郡守陳文駿延吳慶坻增修歷一載。二十年杭守陳瑞又聘王堯履纂，郡紳丁丙以家藏書供參證，左右其事，迄二十三年底于成，擬請印未果，丁氏卒遂輟。民國五年，巡按使屈映光延陸樹勳續纂之，未成而陸氏作古。八年，省長齊耀珊復聘吳慶坻為總裁，督軍盧永祥為出資刊行，十四年印成，凡一七八卷八十本，

今行世。是志付印以前，未嘗詳爲校正，如「宸章」之名，猶仍舊例，無異清刊；其他體例，猶繁蕪有可議者。然取材迄于清亡，網羅頗富，足供參稽，尚可備後賢之進爲取裁也。

(註三十四) 乾隆元年刊成之浙江通志，傳本極稀。光緒二十五年，浙江官書局爲之重雕，凡百二十本，版今存浙江圖書館，今通行之本印本是也。

(註三十五) 民國浙江通志館所寫成之稿本二百有本，十六年間由省當局移送浙江圖書館保存。其中以人物爲多，其次稍近藝文，潤色似猶有待。志館所徵得之縣志，以沈子培先生籍嘉興，聞有歸嘉興圖書館者。至徵送之採訪稿及其他材料，則不可得詳矣。

(註三十六) 見商務印書館浙江通志魯序。魯序對於民國曾設館纂修一事竟未提，余于事前爲商務書館何伯承先生言之，請于卷首并以浙志原委一文，略及此事以昭後起，未見從也。

(註三十七) 見章學誠方志叢書卷十四。(嘉業堂刊章氏遺書卷十四)

(註三十八) 如瑞安孫衣言之陞海候聞，東甌大事記，永嘉內外集等，皆足爲瑞安志之取裁。較遠者如明代鄭伯之金華賈達傳，金江之義烏人物志，亦皆人物志之別體也。

(註三十九) 海昌藝文志二十四卷，海寧管庭芬編；金華經籍志二十四卷，永康胡宗樞編；杭州藝文志，錢塘吳震

無編；溫州經籍志三十六卷，瑞安孫詒讓編。
(註四十) 東甌金石志戴鴻編，括蒼金石志補遺鄭伯森編。(聚學軒叢書本)
(註四十一) 台州經籍志四十卷，臨海項元勳編，民國四年浙江圖書館印行所刊行。項氏蓄意蒐訪本郡文獻，所得甚夥，多未刊稿，別爲寫定「臺石草堂所藏台州書目」，(見浙江圖書館館刊四卷一期)則就私藏志地方之著述也。

三、省賢譜傳之撰述

傳記本正史之附庸，蔚爲述作之大國，唐宋以還，紹述始繁。而以事繁年，分支與爲年譜，濫觴于唐季，歷明至清而尤盛。夫一省一鄉之文獻，要莫非其地名賢言行之結晶，則傳記年譜之作，無論其傳述近賢，或表章往哲，要皆繫繫

闡揚文獻之事也。浙省人文素盛，清代名賢之碑誌紀傳，撰述綦繁。其或編成年譜，亦多卓然可傳。如董鴻之劉張山年譜，董秉純之全謝山年譜，皆門人撰記，足以傳信；黃厚炳之黃梨洲年譜，趙之謙之張蒼水年譜，亦稱翔實；而趙翼鉅大所前後作陸放翁年譜，錢大昕又作深寧先生年譜，毛奇齡作王文成公年譜，則上追清以前之浙賢者。自劉申叔等編國粹學報，往往刺舉宋明遺老故事，以張反滿之旗，于是頗有為浙省先賢撰為新傳者。（如劉撰全祖望傳等）民國以來，此風彌盛。期刊中考述往事以成前人傳記者，時有所見，單行成書者亦有之（註四十二）而普通傳體以外，年譜之作，至近年為尤盛，其間學者又往往取浙省名賢為之追譜或改作前譜者。茲就觀記所及，列舉近二十年來出版之浙省名賢年譜于次：大抵以單行成書之重要者為主，其散見期刊或附見于本集者，僅偶就所見略為列入，未遑博咨而無遺也。

民國以來浙江名賢學者之年譜示例（傳記從略）

| | | | |
|-----|---------|--------------|----------------|
| 裴占榮 | 虞仲翔先生年譜 | 上譜 | 北平圖書館刊七卷一期 |
| 伍俶 | 沈約年譜 | 武康人
字德文 | 中山大學文史研究所集刊第一期 |
| 孫錦鳴 | 陳文節公年譜 | 其子正齋
瑞安人 | 敬鄉樓叢書第二輯 |
| 胡宗祥 | 胡正惠公年譜 | 胡明
小旗人 | 民國廿一年夢遊樓刊本 |
| 王國維 | 清真先生年表 | 胡邦字美成
錢塘人 | 王忠愍公遺書第二集 |
| 夏承燾 | 張子野先生年譜 | 先
烏程 | 詞學季刊創刊號 |
| 余重耀 | 陽明先生年譜 | 餘守仁
餘姚人 | 在陽明先生傳纂中，中華書局本 |
| 吳晗 | 胡應麟年譜 | 胡時人
字元振 | 清華學報九卷一期 |

晚近浙江省文獻述概

晚近浙江省文獻述概

二四

| | | |
|-----|---------|---|
| 王煥鑄 | 萬履安先生年譜 | 孫 |
| 姚名達 | 劉宗周年譜 | 孫 |
| 馮貞羣 | 錢忠介公年譜 | 孫 |
| 梁啓超 | 朱舜水年譜 | 孫 |
| 謝國楨 | 黃梨洲學譜 | 孫 |
| 柳詒徵 | 盧抱經先生年譜 | 孫 |
| 姚名達 | 邵念魯年譜 | 孫 |
| 繆荃孫 | 厲樊榭年譜 | 孫 |
| 楊鴻烈 | 袁枚年譜 | 孫 |
| 蔣天樞 | 全謝山年譜 | 孫 |
| 胡適 | 章實齋年譜 | 孫 |
| 姚名達 | 邵二雲先生年譜 | 孫 |
| 黃雲眉 | 汪邦祖年譜 | 孫 |
| 陳讓 | 李善蘭年譜 | 孫 |
| 李儼 | 孫敬軒先生年譜 | 孫 |
| 孫延釗 | 孫太僕年譜 | 孫 |
| 孫延釗 | 孫詒讓年譜 | 孫 |
| 朱芳圃 | 孫徵君年譜 | 孫 |
| 孫延釗 | | 孫 |

國學圖書館第五年刊

商務印書館本

四明叢書第二集錢忠介集

梁任公自云，未見印本

商務印書館本

國學圖書館第一年年刊

商務印書館本

嘉美堂叢書本

在袁枚評傳內，商務印書館本

商務印書館本

商務印書館本

金陵大學中國文化研究所印本

北平輔仁學誌一卷二期

清華學報五卷一期

甌風雜誌第一卷第四五六十二十三期及以後。

已成稿即將刊布

商務本 宋慈抱亦有孫先生年譜見東方雜誌廿二卷十二號

此書以子語父體尤詳贍遠非上書簡陋之比現已交商務印書館影印中

周雲青

俞曲園先生年譜 德清

民錄九卷一期

陳 謚

陳介石先生年譜 瑞安

甌風雜誌第一卷第六至第十三期。(未登完)

王遵常

沈寐叟先生年譜 嘉興

東方雜誌二十六卷十五、六期

勞乃宣

初庵老人自訂年譜 嘉興

桐鄉勞先生遺稿卷首 亦有單印本

吳士鑑

含嘉室自訂年譜 嘉興

家印本

趙萬里

王靜安先生年譜 海鹽

國學論叢一卷三期

孔仲蕭

陳英士先生年譜 吳興

見陳英士先生紀念集

上舉諸譜，雖篇幅之繁縮懸殊，內容之精麤不一，但譜主既並為本省賢達，其有繫于省文獻之重自無待言矣。至若

明人徐仲和 象海 彙集浙省立德立功立言之名賢，上起遠古，降迄明代，以體繫人，輯為兩浙名賢錄，(註四十三)實為本省

鄉賢傳記彙刻之巨帙。惜民國以來，未聞有仿此意以成清代浙賢之彙傳者。清康熙間，紹興張陶庵 海鹽 遍徵越中先賢圖

像，為之傳贊，成「有明於越三不朽名賢圖贊」，其外孫陳仲謀足其未備而刻之，圖文相繁，洵有激發意氣之效。惜傳世

甚鮮，至民國七年，邑人王子徐為之重印，雖非新著，而審校精印，後勝于昔，(註四十四)要亦晚近表揚鄉里文獻之一例

也。最近浙江教育廳為使一般學生咸得稍聞鄉賢之行誼，承當局意旨，編成「浙江歷代鄉賢事略」，採先賢之尤卓然可

傳者三十人系以簡傳，(註四十五)雖所述樞略不詳，然寓精微于淺顯，容足使表揚之效更溥于初學也。

(註四十二) 為浙江學者作傳者，期刊中所見，如何格恩陳亮的平生(嶺南學報二卷二期)陳垣李之藻傳(國學一

卷三號)葉瀚丁謙傳(地學雜誌十三卷八、九號)等皆是，單本者如余重耀陽明先生傳纂，(中華)不盡舉。

(註四十三) 兩浙名賢錄五十四卷，外錄八卷，明天啓初錢唐徐象梅編輯，所錄浙江名賢，上溯唐虞，下迄明穆宗，分爲儒碩理學孝友忠烈獨行開竅瑚連輔弼經濟識直吏治武功德業清正才學恬裕風節高隱文苑方技列女寓賢凡十二類，而以仙釋入外錄。清光緒二十六年前浙江官書局重刊，今由本館印售。

(註四十四) 張岱原著稱「有明於越三不朽名賢圖贊」，民國七年印本，簡稱「越中三不朽圖贊」，凡收紹興各邑名賢百餘人，其圖皆改用銅版印成，張氏自序外，更有許景仁陳錦序，陳壽謙等跋，及蔡元培題辭。

(註四十五) 浙江歷代鄉賢事略，係教育廳何西生君^{敬修}編，所採自越之文種，漢之王充虞翻，下迄清儒孫詒讓章命先烈陳其美，都三十人，各述其生平要事，更附其他鄉賢八十四人姓名略歷于後。其意爲供給中學生之仁誦者。

x x x x x x x x x

四、鄞天一閣之重修

浙江省私家藏書之業，淵源甚夙，而在明清之間爲尤盛。語其尤著者，如山陰鄭氏^{汝諧}之滄生堂，仁和趙氏^{希真}之小山堂，慈谿鄭氏^性之二老閣，鄞盧氏^之之抱經樓，錢塘吳氏^之之瓶花齋，鄞縣徐氏^之之煙綠樓，乃至錢塘丁氏^之之八千卷樓，歸安陸氏^之之皕宋樓，皆嘗極多珍而負時譽。然諸家往往著聲一時，而煙鐘式微，其書或散歸坊肆，或且流失異域。至若歷十數世而長存，雖間有散佚，而猶保其珍秘勿失者，始無能出鄞縣范氏天一閣之右。天一閣在晚明負一時之重望，迄今爲海東書林之靈光，蓋宇內私人藏家無能比其淵久。是則最近鄞人士之從事修葺天一閣而謀公之衆覽者，固不可不謂非近年浙人整理其固有文獻之一要事也。

四明古稱文獻之邦，宋之樓堦^{元之袁清容}皆以藏書之富馳名。^(註四十六)迄明中葉，則有豐氏萬卷樓，其書淵源甚遠，而晚年漸歸散失。^(註四十七)范寅明^{始起}，^(註四十八)常向豐氏鈔書，旋復盡收萬卷樓之存書，又以弁州王氏^其互鈔增益，更蓄意蒐購志乘科貢錄，並得袁忠徹范大猷之舊藏，所聚甚富，^(註四十九)乃建天一閣于鄞西月湖之宅東，一

時推海內藏書家巨擘。東明歿後，其子少明

大冲

紹先志而續有增收。而爲防萬一之失，則定制封閉甚嚴。至清初，黃梨

洲始以其裔孫友仲之導得登臨，爲之錄目，徐勉庵

乾寧

開而借鈔，世始知有天一閣書目。其後萬季野全謝山皆嘗登閣，

謝山且曾爲訂碑目一通。乾隆詔纂四庫全書，開獻書之路，浙江進書者甚衆。

東明五世孫漢衍

桂于乾隆三十九年進呈天

一閣佳本七百種，蒙圖書集成之賞。

（註五十二）

而四庫建閣，且取天一閣以爲規式。錢竹汀

大冲

編鄞志，曾取閣藏金石爲碑

目。嘉慶中葉，阮芸臺元督學浙江，登閣觀書，命范氏後分屬編錄，刻成書目几十卷，計爲書四千有九十四種，五萬

三千七百九十九卷。（碑目七百六十四種不在此數嘉慶十三年即一八〇八年刻）是後歷經變亂，局綸不嚴，流失浸多。

（註五十一）

上元宗湘文

源

守寧波，欲編見存之目，未及有刊。光緒間，無錫薛叔耘

（註五十二）

備兵東甬，

吳興

崇飾儒術，因

盡檢閣書，任歸安錢學嘉任編校，或天一閣見存書目六卷。（光緒十五年即一八八九年刻）計得書二千有五十六種，舊刻

已寥寥晨星，全者僅千二百七十種，上視阮目，亡失過半。民國以來，范氏後裔益式微，閣雖嚴扃，而竟啓巨竊，失書

甚夥；

（註五十三）

而道路傳言，數十年間又頗有巧取私售者。于是海內不能知薛目所收，今存者猶幾何，于天一閣亦漸失

其重視。民國十九年，中山楊子毅氏來任甯波市長，因葉譽虎

共粹

氏之言，乃有重編閣目之舉。十月登閣省覽，因令楊

鐵夫等會同范氏後人查書錄目，「通計爲書九百六十二種，共七千九百九十一冊，比薛目約得二分之一。其中完璧者三

百一十種，比薛目約得四分之一。……碑帖一無所存。」

（註五十三）

蓋此次登書，距薛目約四十年，而散佚之多，令人驚

異。但猶以勉從閣例，限一日竣事，故頗有漏列誤計者。然亦以此更足證實傳聞，使學者對天一閣浸益漠視矣。

二十年夏，北平圖書館海濱趙雲

萬里

訪書甬上，蒞觀天一閣而未獲登，慨然有整理之志。二十二年七月，趙氏復

攜館公函來甬，謀登閣編錄書目。鄞縣長陳冠靈

寶

及文獻委員會主事者馮孟頴

貞

欣然贊助，乃與范氏後人立約，開閣

一星期，以資編理，並行公祭范司馬以盡禮。趙氏得馮氏及馬陽卿

源

朱鄴卿

鼎

諸人之助，主持審查，旬日之中，得以

重整全部書目，得書竟猶存二千五百餘種，凡九千有八十冊。(註五十四)乃知楊氏日固每率絕不足恃，卽有其書而爲阮薛二目所失收者亦十之一。其間明代方志，存者猶二百四十餘種，什九爲僅存之孤本，而明代各科錄覽會試等錄，猶千餘種，復爲重要之傳記史料，爲他家所不能謀者。其餘孤本精槧，且未易勝數。(註五十五)於以知天一閣之珍藏，歷三百餘年，雖人事多故，屢經散佚，而精華內蘊，猶未大損其疑書之規模也。

自趙氏觀書錄目以後，海內學者始知舊目之不盡可據，而天一閣之現藏，正不如恆人傳說殘損之甚，且猶卓然自有足珍者。於是甬人士亦相與謀整理表揚之道，而未有定議。是年九月中旬，颶風襲甬上，閣東牆圯。郭文獻會同人集議，僉以閣失修已久，棟宇朽蝕，池亭荒蕪，非重加修葺，不克永其存。范氏祕其有而無以善其藏，地方人士允宜當仁不讓，且進而謀廣其用。乃于二十二年十月二十四日，成立重修天一閣委員會，議廣爲募餉修建舊閣，進而量力次第收回閣書之流出者，或爲錄副，更謀遷舊府學尊經閣于閣北，以供治事閱覽之用。如費用有餘，則更建新閣于其後，以容收回之書。于是以文獻會諸人爲委員，更約當代耆碩，以廣聲氣之助；擬定預算，擬啓分募。(註五十六)公私募集，不期年已逾萬金，然應付猶患不敷。(註五十七)委員會時有集會，于工程經濟每有詳議云。

修建工程，始自二十三年六月。現存藏書，悉暫遷閣後之貽穀堂。迄歲尾，修理工竣，以二十四年一月復移封存別儲之書，歸實閣中。閣式一仍其舊，前後園林假山，亦悉爲修復。更有可述者，則爲詔示後人，特刻黃梨洲全謝山之天一閣藏書記于照壁，復嵌豐氏蘭亭序石刻張氏泰山石刻及新出土之宋明石刻于壁，足裨覽者之觀感。(註五十八)其遷置

經閣于閣後之工程，不久亦將始事。聞鈔回閣書之事，縱非現時費用所克舉；委員會諸公，仍議集基金權子母以供管理治書之需云。

重修天一閣之舉，郭文獻委員會實主其事，而其先期妻雲登閣錄目之役，實有助成之效。今文獻會諸公之意，蓋將以公家之力，釀款修復故物，仍以所有之權保之范氏，而歸公管理，以廣學者之觀覽。此與昔年故老主張以閣書歸公有

之議，途徑有異而用意實同。今舊閣已修成，尊經閣亦遷建觀成在邇，今後如何妥籌基金，嚴定規制，如何設員管理，雇工修書，如何重編詳目，供衆觀覽，尤在都人士與當代熱心文教之士之熟圖詳籌者。吾浙私家藏書，式微久矣。清初藏家，大抵書散樓空，輒近則陸氏誦宋樓之藏，淪入東瀛，丁氏八千卷樓所畜，亦移歸他省。獨天一閣襲于明季，迄今且四百年矣。雖間有散佚，而珍祕多存，歸然繁書林之重望。昔阮文達稱海內藏書最久者推范氏，（註五十九）後之學者亦翕然同聲。（註六十）則修復整理，且進謀所以公學老之研覽，固有繫于全國文教之重，非僅保存一省文獻之事矣。

x x x x x x x x x x

（註四十六）錢大昕潛研堂文集卷二十一抱經樓記有云「宋元之世，攻媿樓氏清容袁氏藏書之富甲于海內」。樓鑰宋人，藏書處曰東樓，有攻媿集。袁桷字伯長，元慶元人，曾修延祐四明志，藏書即散失。

（註四十七）豐坊字存禮，熙之子，爲南宋豐清敏公（樓鑰）之裔。甯田以聚書數萬卷。全謝山謂「萬卷之儲，實由元祐以來啓之。元祐以來之圖書，由甬上面紹興而奉化而定海者，復歸甬上」。見歸靖亭集外編卷十七天一閣藏書記。黃梨洲亦有天一閣藏書記（南雷文約卷四）

（註四十八）范欽字堯卿，一字安卿，號東明，明嘉靖間鄞人。官至兵部右侍郎，嘗隨俞大猷征倭有功。晚好聚書，築天一閣，有天一閣集。光緒鄞縣志有傳。

（註四十九）見錢大昕天一閣碑目記。范氏所最多者，爲余洲（王世貞）所藏。參考陳登原天一閣藏書考第三章。

（金陵大學文化研究所刊本）

（註五十）據四庫提要及浙江采進遺書總錄，范梈桂獻書共六百三十八部，采入四庫者，實凡四百七十三種。

（註五十一）阮文達編目以後，道光時英人陷甬波及太平之亂，閣書皆曾遭劫，見繆荃孫天一閣始末記（藝風堂文漫存卷三）

（註五十二）自薛日公世，世知閣書猶多珍藏。閣中雖去稿不易入，而利其無人，傳聞早有竊書者。民國二年，某道老師巨竊薛繼位者，令夜入閣盜書，潛伏其中累日，取出甚多。繆荃孫天一閣始末記云：「癸丑在邇，聞閣書大批出售，……後知甬上姦商逸賊往偷，迨知覺已去大半，鳴官究治，定獲賊二名罪，書仍不能返閣」。趙萬里記亦述及薛某竊書爲損失之一要因云。

(註五十三) 見楊鐵夫重編寧波范氏天一閣圖書目錄序。楊氏所編目，以一日完成，殊病草率。是日十九年十一月即，流傳不多，陳登原天一閣藏書考附錄載其序及其全目。又據楊子發呈教育廳文，則註明存書冊數，惟各省各有編錄不在其內云。

(註五十四) 趙萬里氏天一閣觀書之報告及見于文獻會募捐啓者，皆僅言冊數為二千五百餘種，未言冊數。茲據鄧文獻會因修理遷書時之通訊報告及余歸而時主事者告我，皆謂點見九千有八十冊。

(註五十五) 詳見趙萬里重編范氏天一閣藏書記略。(二十三年二月三日大公報圖書周刊第十二期) 趙氏此次登閣覽目，記注頗詳，北上後決編「帝整天一閣現存書目」一種，于現尚存閣者為內篇，每書系以前短之提要，更以原次散落在外可考為外篇。現距錄目已一年又半，趙氏書目未有圖訊，然既存此意，不久必可公世，意者或以閣方重修，有公覽之機緣，一部分提要尚待檢對原藏而方可寫成耳。

(註五十六) 重修天一閣募捐啓，由鄧文獻會署名，續述閣之由來及閣書今存之可貴與修建之計畫甚備。捐冊影載天一閣有關之圖像多幀，及平面圖等，至為精雅。委員會委員二十五人，分總務、交際、工程、經濟四股進行云。

(註五十七) 天一閣修建募款，浙江省政府補助二千元，軍委長蔣介石氏亦助資二千元，而滬京兩分則募集至今達萬四千元左右。舊閣修建，現已竣工，實耗費五千餘元。遷經管經閣，所需不多，鈔回佚書，事猶可緩，惟今後閣書之修補與管理，雇員任事，年需至少千元，即非母金萬元不辦。故集款猶患不敷，委員會正續事徵募云。

(註五十八) 修建工程之結果，浙江圖書館館刊三卷六期本省文化消息有較備之紀述。

(註五十九) 阮元留波范氏天一閣書目序有云「海內藏書之家，最久者今惟寧波范氏天一閣，雖然獨存」。自阮氏目(嘉慶十三年即一八〇八年)至今又將二百年，范書猶大體無恙，其為「最久」自更無疑。

(註六十) 如李宗遜函宋樓藏書志叙有云：「天下藏書家為人人推服無異詞者，無如四明范氏天一閣」。天一閣藏書之精而且久，實為海內所翕稱云。

餘言

浙江省近二十餘年來徵存地方文獻之業，如郡邑叢書之新刊，地方志與之重修，鄉賢譜傳之撰述，乃至鄞縣天一閣之修葺，凡厥禁禁可舉者，已略如上述。願自茲以外，如各地祠墓古蹟之修治，（如黃巖縣之黃巖廟及黃巖廟之重修等。）地下古物之發掘

金石碑拓之考索，鉅籍珍藏之整理，如文淵閣四庫全書之珍而復全，亦民國以後事，已見前文張君之更稿，此不贅。圖書文物之展覽，以通古今省人著述之刊行，凡與本省文獻之表章有關者，或未爲人知，或聞焉而未詳者，何可勝紀？如章氏刊書一事言之，雖前人遺稿與近人著述，固無力搜羅而散佚湮沒者正多，然二三十年來，由諸家之子嗣門人或地方人士之熱心表揚，因以陸續刊行者，已難勝數。此多未與于叢書方志或傳記之列，而其所以存鄉獻以裨學術者，固無可軒輊于其間。惟其書浩繁難盡，取捨正復非易。發掘及修治古蹟之事，亦復如此。爰本與國毋墮之旨，于此諸端，皆置不傳述云。

夫文獻之保存與闡述，自非一朝一夕之事，尤非一手一足之烈所能觀成。必也平時有蒐集之所，得研究之人，爲之守先而待後，然後足以弭散佚而垂久遠。此于方志之纂修，所繫尤重。昔章實齋論方志義例，獨倡州縣應立「志科」之議，以爲六曹案牘律令有關政教者，必以時呈刷于志科，庶幾一旦修志，取裁甚豐。且謂縣志修成，亦以呈刷于志科。又云：右與錢秀才爲修志第一，見前文十五。此其識甚卓，其事亦頗輕而可行。顧百餘年來，無論官守士民，皆鮮聞有能推此意以見諸實施者。即章氏生長所在之浙省，亦未有本其遺志以及時從事于方志材料之徵存。別至邑里之間，故籍舊獻，既多散佚，即並世之檔案文書，亦往往爲恆人所忽，信手棄置，漫不保存。夫後之視今，亦猶今之視昔，則文獻之不足徵，洵堪爲今後之深憂。于此而在位者有普設文獻委員會之議，信可謂知當務之急，而令關心文教者欣然也。

民二十年七月，內政部有各省縣設文獻委員會之通令。翌年五月，浙江民政廳據此以通令各市縣籌設文獻委員會，徵存地方文獻，記載屬內要事，以備當地修志時之甄采。自是各縣遵令設立進行者，頗不在鮮；如鄞縣天一閣之得見重修，與萬氏墓道之修葺，實賴斯會之主持，嘉興紹興各邑之文獻會，亦時聞有進行之消息。惜當局督率不力，致已設者或實不虛名，未設者猶因循瞻顧，徒令良法美意，未盡觀成，良可慨惜。間嘗思之，本省七十五縣之中，民國以來新修之縣志不逮半，省志失修又且二百年；此其影響于發政施令之失宜者，殊不在鮮。而各縣從事修志者，又往往以平時之無備，致臨事採訪輯述，有捉襟見肘之歎；用力雖多，而成效猶寡。後有舉者，甚且視爲畏途。至若鄉賢著述之流

傳，地方掌故之考索，古蹟名勝之修治，復多以責無專屬，因而廢弛者。苟得普設文獻會于各邑，妥籌其經費，明定其職司，集地方當局與當地俊彥之合作，以共謀方志材料之蒐存，與地方文獻之表揚，庶幾備修志之甄采，為政教之輔翼，廣章氏志科蒐採之用，引全謝山微獻無所之歎，則其裨益地方與民族前途，豈可限量？既最遲本省近年來所以整理文獻之事，輒不禁嚮往策來，并其拳拳之意千餘幅，是又全國同然之事，願邦人士共與商榷焉。

兩浙南宋地志簡目

| (志 名) | (卷 數) | (撰 人) | (刊 本) | (備 考) |
|--------|-------|--------|----------------|----------|
| 乾道臨安志 | 三(佚存) | 周 濬 | 仁和孫氏壽松堂本 錢唐丁氏本 | 孫氏影宋刊本 |
| 淳祐臨安志 | 六(佚存) | 施 諤 | 錢唐丁氏嘉惠堂刊本 | 浙江圖書館印售 |
| 咸淳臨安志 | 九五(殘) | 趙說友 | 錢唐汪氏振綺堂刊本 | 四庫未著錄 |
| 紹定澹水志 | 八 | 常 榮 | 黃岡樊氏刊本 | 浙江圖書館印售 |
| 嘉泰吳興志 | 不分卷 | 談 鑰 | 吳興劉氏嘉業堂刊本 | 浙水海鹽縣東鎮名 |
| 寶慶四明志 | 二十一 | 羅 澹 | 四明徐氏煙嶼樓刊本 | 四庫未著錄 |
| 開慶四明續志 | 十二 | 梅應發劉錫同 | 同 | |
| 嘉泰會稽志 | 二十 | 施 宿等 | 山陰杜氏大吉樓刊本 | 上 |
| 寶慶會稽續志 | 八 | 張 湜 | 同 | |
| 嘉定刻錄 | 十 | 高似孫 | 道光附錄志本 | 刻即輯錄 |
| 嘉定赤城志 | 四十 | 陳耆卿 | 邵武徐氏叢書本 | 赤城為台州梁代舊 |
| 淳熙嚴州圖經 | 三(佚存) | 陳公亮 | 臨海宋氏刊本 | 名 |
| 景定嚴州續志 | 十 | 鄭 瑤等 | 桐廬袁氏漸西村舍叢書本 | 四庫未著錄 |
| | | | 刻簡齋胡氏本 | |



廿六年一月九日
趙萬里先生贈送

浙江省立圖書館出版 文瀾學報

第一集要目

本學報爲浙江省立圖書館學術刊物之一，年出一集，以研討中國學術闡揚浙江文獻爲宗旨。第一集已于二十四年二月出版，共有插圖十三幀，論文十五篇，文苑十餘篇。要目列次：

插圖（有四庫全書原藏架圖省賢遺像館藏善本書影等十三幅）

散氏盤銘補釋

黃紹箕遺稿

讀杭大宗續禮記集說

柳詒徵

甬諺名謂摘記（上）

陳訓正

黃梨洲遺書後

楊敏曾

校勘學發凡

李笠

龍游余氏家譜序

余紹宋

文瀾閣四庫全書史稿

張壘

文瀾閣嘉惠堂與玉海樓

孫延釗

晚近浙江文獻述概

陳訓慈

吳越錢氏之文化

夏定域

南宋臨安之都市生活

孫正容

陳同甫學說管窺

陳豪楚

姜西溟選詩類鈔手蹟題跋輯錄

童第德

文苑（錄章炳麟陳訓正余紹宋等近作十餘篇）

本學報所載，包容時賢專著甚多，願海內先進，藉惠合于本刊旨趣之大作，無任禱幸。本學報篇幅繁富，印費亦鉅，兼以印成不多，不克廣贈省內外方家。同好之士，尙希惠予採購。或以相當之著作或特殊藏書賜寄，亦當酌定交換。（第一集實價一元，郵費五分，郵票可以十足代洋。）（浙江圖書館館刊亦多闡述浙江文獻之文字，每卷六期，預定連郵費一元）

發行處 杭州大學路 浙江省立圖書館

